

Գ. Ս. Տիրացյան

ԱՐԻՆ-ԲԵՐԴԻ ՍՅՈՒՆԱԶԱՐԴ ԴԱՂԻՃԸ ԵՎ ՍԱՏՐԱՊԱՅԻՆ ԿԵՆՏՐՈՆՆԵՐԻ
ՀԱՐՑԸ ՀԱՅԿԱԿԱՆ ԼԵՌՆԱՇԽԱՐՀՈՒՄ

ՀՍՍՐ Դիտությունների ակադեմիայի և Մոսկվայի Պուշկինի անվան կերպարվեստի Պետական թանգարանի համատեղ արշավախումբը մի քանի տարի է հնագիտական աշխատանքներ է տանում Լերան քաղաքի հարավ-արևելյան ժայռամասում գտնվող Արին-բերդի բլուրում (աշխատանքների ղեկավար, ճարտարապետ՝ Կ. Լ. Հովհաննիսյան, գիտական կոնսուլտանտ՝ Ի. Ի. Պիոտրովսկի):

Հնագիտական աշխատանքների շնորհիվ պարզվեց, որ բլուրը իրենից ներկայացնում է ն. մ. թ. 8-րդ դարի առաջին կեսին հիմնադրված ուրարտական քաղաք Էրեբունիի միջնաբերդը: Աշխատանքների ընթացքում բացահայտվեցին բերդի պարսպապատերը, մի շարք շենքերի մնացորդներ, որմնանկարների բազմաթիվ բեկորներ, ուրարտական թագավորների սևապղիր արձանագրություններ և ուրարտական ժամանակի այլ գլուխներ: Առնթեր ի հայտ են բերվել հնագիտական աշխարհի տվյալներ, որոնք վերաբերում են ավելի ուշ ժամանակաշրջաններին, և որոնք ակնարկում են բերդի հետադարձական դարաշրջանում գոյություն ունենալու մասին: Ուրարտական պետությունն անկման հաջորդող դարերում բերդի կյանքը բնութագրող նյութերի շարքում առանձնահատուկ տեղ է գրավում բերդի տերիտորիայում բացված սյունազարդ դահլիճը (նկ. 1): Այս հուշարձանը բազմիցս հրատարակված ու նկարագրված է վերը հիշատակված թանգարանի արշավախմբի պետ Ի. Մ. Լոսելայի կողմից¹: Այն իրենից ներկայացնում է մի ամբողջական ճարտարապետական կոմպլեքս, որը գրավում է 1715 ք. մ. հսկա տարածություն և տեղադրված է միջնաբերդի արևմտյան մասում՝ պարսպապատին կից: Նրա գլխավոր սենյակը հանդիսանում է քառանկյունի մի դահլիճ՝ սյուների 30 հիմքերով: Այդ դահլիճի արևելյան պատում գտնվել է ամբողջ շենքի միակ սրտաքին մուտքը: Դահլիճի դիմացի պատում գտնվող մուտքը տարել է դեպի արևմտյան մասում գտնվող մի հարևան սենյակ, որը հարել է պարսպապատին: Սա երկարավուն և նեղ մի սենյակ է (նո. 1), որը չնայած իր ավերված վիճակին, հետաքրքրություն է ներկայացնում՝ շնորհիվ տեսյում գտնված ուրարտական որմնանկարների: Նրա հարավային մասում տեղադրված է մի ուրիշ ավելի փոքր սենյակ (նո. 2), որը նույնպես ուժեղ կերպով ավերված է, բայց երևում է՝ որ նախկինում զարդարված է եղել որմնանկարներով: Տեղ առ

¹ „Раскопки урартской крепости города Ирпуни (Ерепуни) на холме Арин-берд“. Советское Востоковедение, 1955, № 3, էջ. 144—150; „Раскопки цитадели урартского города Ирпуни“, КСИИМК, вып. 58, 1955, էջ. 45—52; „Новые археологические исследования отряда ГИИИ им. А. С. Пушкина на холме Арин-берд“, Советская Археология, 1958, № 2, էջ. 179—195.

տեղ պահպանված պատերը իրենց ներքևի մասում շարված են մշակված քարերից, իսկ վերևի մասում՝ չթրծված աղյուսից (քարե ներքնաշարի բարձրությունն 1,55 մ. է): Շենքի անկյունային մասում, որ կազմված է սյունազարդ դահլիճի հարավային և նո. 1, 2 սենյակների արևմտյան պատերից, գտնվել է քառակուսի մի սենյակ՝ մեջտեղում՝ աշտարակաձև շինություն (նո. 3): Մեզ հասել է աշտարակաձև շինություն-գիկկուրատի ներքևի մասը միայն, որը շարված է բավականին մեծ մշակված քարերով: Այստեղ ևս որմնանկարների հետքեր են հայտնաբերվել:



Նկ. 1. Արին-բերդի սյունազարդ դահլիճը: Հատակագիծ (ըստ Ի. Մ. Լոսեվայի):

Առավել մեծ հետաքրքրություն է ներկայացնում, իհարկե, սյունազարդ դահլիճը: Պեղումների ընթացքում բացվել են չահլիճի ծածկը կրող սյուների հիմքերը: Սրանք մեծ և հաստ քառանկյունի սալեր են (չափերը 0,70 մ. × 0,60 մ. × 0,50 մ.), դասավորված իրարից հավասար հեռավորության վրա (4,10 մ.) ու պատերից (3,80 մ.), և կազմում են 5 շարք (արևմուտքից-արևելք), ամեն շարքում 6-ական հիմք: Սրանի պատերի երկայնքով ներսից ձգվում է ցածր կավակերտ նստարան:

Սրանի հյուսիսային պատը, որն արժանացել է ուսումնասիրողների ուշադրությանը (Նկ. 2-ը), տարբեր շարվածքի հետևանքով բաժանվում է երկու հատվորեն սահմանադրվող մասերի: Պատի արևմտյան հատվածի ներքնաշարը կազմված է մշակված մեծ վեմերից, որոնց վրա բարձրանում է աղյուսաշարը (բարձրությունը 1,5 մ.): Պատի արևելյան հատվածի ներքնաշարը, որը շատ ավելի ցածր է, կազմված է գերազանցորեն հղկված վեմերից — մոխրագույն բազալտ՝ 0,50 մ. բարձրությամբ: Ներքնաշարից վերև շարունակվող պատը ևս չթրծված աղյուսից է: Եթե տարբերությունը դրոյի ընդգծվել է շենքի ամբողջ շրջագծով մեկ տեղադրված կոնտրֆորտների տարբեր

կատարմամբ: Պատի արևմտյան մասում կան երկու կոնսոլիդացիաներ, որոնք զուրա են ցցվում 0,50—0,55 մ. և որոնց երկարությունը 4 մետր է:

Արևելյան մասում կա 3 կոնսոլիդացիա, բայց ավելի փոքր չափերի, ամեն մեկը 2,7 մ. երկարությամբ և իրարից ավելի փոքր հեռավորության վրա: Շարվածքի տարրեր ընդլիժը, կոնսոլիդացիաների տարրեր կատարումը մի պատի, և



Նկ. 2. Արին-բերդի սյունադարդ գահիճի հյուսիսային պատը (ըստ Ի. Մ. Լոսկվայի):

գետ ավելին, մի շենքի սահմաններում հարուցեցին տարրեր հատվածների տարրեր մասնակիներում կառուցված լինելու հարցը: Հաշվի առնելով վերը նշված հանգամանքը, հնարավոր եղավ տարրերի երկու շինարարական ժամանակաշրջան: Առաջինին վերաբերում են սրահի արևմտյան փոքր մասը, մինչև սյուների երրորդ շարքը, նո. 1, 2, 3 սենյակները, որոնց պատերը մշակված են սյունասրահի առանձնացված մասի պատերի հետ համահամա:

Շինարարական երկրորդ ժամանակաշրջանին է վերաբերում սրահի ամրող լարեկլան մասը, սյուների երեք շարքով: Սկզբնական շենքի կառուցման ժամանակի շուրջը վեճեր չեն ծագում: Նա թվագրվում է տրարտական ժամանակաշրջանով և ամենայն հավանականությամբ առնչվում է էրերունի քաղաքի և միջնաբերդի հիմնադրի անվան՝ Արգիշտի 1-ի (ն. մ. թ. 786—750) հետ: Վիճաբանությունները առաջանում են, երբ հարկ է լինում որոշել յրացուցիչ շինարարական աշխատանքների ժամանակաշրջանը, որոնք հանգեցին քննություն անցնող կոմպլեքսի վերջնական ձևավորմանը: Այդպես օրինակ, կարծիք է հալանվել այն մասին, որ շենքը վերակառուցվել է ուրարտական ժամանակաշրջանում, նույն ն. մ. թ. 8-րդ դարում, որի մասին կարծես ակնարկում է շինարարական մյուս արձանագրությունը, որը պատկանում էր Արգիշտի 1-ի հաջորդ Սարգուր 2-ին, և այդ պաճառով Արին-բերդի սյունազարդ դահլիճը դիտվում էր որպես պարսկական ապագանանների նախատիպը: Սակայն ամբողջի տերիտորիայում կատարված մի քանի հետաքրքիր գյուտերը հնարավորություն են տալիս տարոհել լուծում տալ վերակառուցման թվագրման հարցին: Այդ նախ և առաջ ումբաձև սլաքի ծալրերն են, առանց սոնակալի, որոնք ըստ Բ. Ի. Պիոտրովսկու, բնորոշ են աքեմենյան ժամանակաշրջանի համար²: Երկրորդ դա օգտկներից կաղմված երկաթե սանձն է (նկ. 3): Ինչ-



Նկ. 3. Ձիու սանձ Արին-բերդից (ըստ Բ. Ի. Պիոտրովսկի):

պես ցույց է տվել Բ. Ի. Պիոտրովսկին, նա թվագրվում է հետուրարտական դարերով (ն. մ. թ. 6—4-րդ դ.), քանի որ ախպուղդիապես նա մոտ է Ախալ-գորիի աքեմենյան ժամանակաշրջանի սանձերին³: Երրորդ հերթին ուշագրություն արժանի է անոթի բեկորը, որի կանթի ոճավորումը նման է բադի գլխի և որը, ըստ Բ. Ի. Պիոտրովսկի կարծիքի, եգիպտական ծագում ունի⁴ (նկ. 4): Հին Իրանի գլխավոր կենտրոնների պեղումների արդյունքների հրապարակումը վկայում է աքեմենյան նյութական կուլտուրայում թուշունի գլխի մոտիվի (բադ և կարապ) լայն տարածման մասին: Պերսկադրիսում պեղված քարե անոթների շարքում, որոնց մի մասի վրա կան Քսերքսես 1-ին թա-


² Բ. Ի. Պիոտրովսկի հիշատակված աշխատություններ:

³ Б. Б. Пиотровский. „Ванское царство“. Москва, 1959, էջ. 24.

⁴ И. М. Лосева. „Новые археологические исследования...“, Советская археология, 1958, № 2, նկ. 9.

⁵ Նշվ. աշխ. նկ. 10, 4:

գավորի արձանագրությունները, գտնվում են այնպիսիները, որոնց կանթերը բադի կամ կարապի գլխի ձև ունենն⁶։ Սուղայի բարձրաքանդակների վրա պատկերված է մի թաս, որի կտնթը վերարտադրված է որպես դեպի հետ նայող բադի գլուխ⁷։ Պերսեպոլիսի բարձրաքանդակների վրա պատկերված են խնկամաններ՝ բադի գլխի նման բռնակներով⁸։ Արին-բերդում կյանքը հետուրարտական ժամանակաշրջանում շարունակվելու մասին են խոսում նաև 1956 թ. հայտնաբերված Միլեսի քաղաքի երկու արծաթյա դրամները, որոնք թվագրվում են ն. մ. թ. 5-րդ դարով, բայց ոչ ավելի վաղ, քան 478 թվով⁹։ Այդպիսի դրամներ են գտնվել Պերսեպոլիսում, գանձատան տերիտորիայում¹⁰։



Նկ. 4. Անոթ Արին-բերդից, կանթը ոճավորված բադի գլխի ձևով (վերականգնված) (ըստ Ի. Մ. Լոսեվայի)։

Վերջապես, կերամիկայի մի որոշ մասը բացահայտորեն հետուրարտական տիպի է։ Հետուրարտական ժամանակադրական կերպար ունեցող իրերի մի ամբողջ խմբի առկայությունը, ինչպես նաև այլ կարգի հանգամանքներ, թույլ

⁶ E. Schmidt, Persepolis II, Chicago, 1957. տխտ. 53, նկ. 1, 2, 3, 5.

⁷ „A Survey of Persian Art“, հտ. 1, նկ. 79; Mémoires de la mission archéologique en Iran, t. XXX. Mission de Susiane, R. de Mecquenem, L. de Breton et M. Rutten, Archéologie Susienne, տխտ. VI, 5.

⁸ E. Schmidt, Persepolis I, Chicago, 1953, նկ. 60 C և Persepolis II, տխտ. 69, F.

⁹ Մ. Իսրահիլյան, «Արին-բերդի susi տաճարը և նրա արձանագրությունները», Տեղեկագիր, 1957, № 9, էջ 94, 104; Б. Б. Пиотровский. նշվ. աշխ. էջ. 24.

¹⁰ „Persepolis II“, տխտ. 84, № 11.

տվեցին վերանայելու վերականգնման թվագրման հարցը: Հայտնի է, որ քննություն առնվող շենքի վերջնական ձևավորումը վերագրվում էր Սարգուր 2-ին, որից իսկապես մեզ բերդից հասել է շինարարական մի արձանագրություն: Բայց նրա մեջ ասված է ցորենի պահեստի կառուցման մասին¹¹, մի հանգամանք, որ չի կարելի համատեղել սյունասրահի հանդիսավոր բնույթի հետ: Պետք է նաև հաշվի առնել շարվածքի ակնհայտ տարբերությունները մի պատի սահմաններում, մի հանգամանք, որը թույլ չի տալիս լրացուցիչ աշխատանքները վերագրել սկզբնական շենքի կառուցողի անմիջական հաջորդին: Նշված տարբերությունները ակնարկում են այն մասին, որ շինարարական երկու ժամանակաշրջանի միջև դարեր են անցել: Վերջապես որոշ նշանակություն պետք է ունենա ուրարտական ճարտարապետության մեջ հատակագծային նմանօրինակ լուծման բացակայությունը հանգամանքը¹², և, ընդհակառակը, այդպիսի լուծման լայն տարածումը աքեմենյան ճարտարապետության մեջ: Հին պարսկական ճարտարապետական հուշարձանների հետ հարեանցիորեն ծանոթանալիս կկարողանանք ավելի ճիշտ իմաստավորել Արին-բերդի սյունազարդ դահլիճը և որոշել նրա հետ կապված ժամանագրական հարցերը: Հենց սկզբից պետք է ընդգծել այն մեծ դերը, որը ունեին սյունազարդ դահլիճները աքեմենյան Իրանի ճարտարապետության մեջ: Այդ նկատվում է հատկապես Պերսեպոլիսում, որը մարմնավորում է աքեմենյան ճարտարապետության սկզբունքները, և որտեղ ճարտարապետական կոմպլեքսների առանձին տարրերն ու բջիջները կազմում են սյունազարդ սրահները¹³ (նկ. 5): Սյունազարդ դահլիճի շատ վաղ օրինակների կարելի է հանդիպել աքեմենյան մայրաքաղաքում՝ Պասարգադայում: Նրանք մաս են կազմում տարբեր պալատների¹⁴, որոնց կառուցումը ընդունված է վերագրել Գյուրոս թագավորին (559—530): Սյունազարդ դահլիճների համատարած երևան գալը կապված է Դարեհ 1-ի ժամանակաշրջանի հետ՝ սկսած ն. մ. թ. 6-րդ դարի վերջին տասնամյակներից: Այդ ժամանակ է, որ հիմնադրվեց Պերսեպոլիսը և սկսվեց մի քանի շենքերի կառուցումը (ապադանա, Դարեհի պալատը, այսպես կոչված Խորհրդակցությունների դահլիճը և զանձատան առաջին վաթիանտը)¹⁵: Շինություններ, որոնք իրենց մեջ ընդգրկում էին սյունազարդ դահլիճներ, սկսել են կառուցել 6-րդ դարի վերջում, Բաբելոնում (ապադանա, որից քիչ բան է հասել մեզ)¹⁶, Սուզայում (նույնպես ապադանա, որը հրդեհվել է ն. մ. թ.

¹¹ SL' u Г. А. Меликишвили. „Урартские клинообразные надписи“, ВДИ, 1953, № 4. արձանագրություն № 162.

¹² Բողազքյոյում, խեթական պետության մայրաքաղաքում, պեղումների շնորհիվ բացվել են 25 սյունանոց (5×5) սրահի հետքերը: Տես R. Naumann. Bauwerke der he-thitischen Grossreichzeit auf Buyuk-kale. Ausgrabungen der Deutschen Orient-Gesellschaft u. des Deutschen Archaeologischen Instituts. Abhandlungen der Deutschen Orient-Gesellschaft N 2. Bogazkoy III. Funde aus den Grabungen 1952—1955. Berlin, 1957. Շենք D, նկ. 4, 5 Այս XIV—XIII դարերի միակ հուշարձանը քիչ ուսանելի է:

¹³ Persepolis I, ընդհանուր հատակագիծ.


¹⁴ H. Frankfort. „The Art and Architecture of the Ancient Orient“, 1954, նկ. 109. L. Vanden Berghe. Archéologie de l'Iran Ancien, Leiden, 1959; քարտեզ 1.

¹⁵ Persepolis I, էջ. 40.

¹⁶ R. Koldewey. „Das wiedererstehende Babylon“, Leipzig, 1925, էջ. 126—127.

5-րդ դարի կեսերին)¹⁷, էկրատանալում (հնարավոր է ևս ապագանա)¹⁸ և եգիպտոսում՝ Թերա քաղաքից ոչ հեռու (տաճար)¹⁹:

Դարենի որդու և հաջորդի՝ Քսերքսեսի (ն. մ. թ. 485—465) աշխատանքները Պերսեպոլիսում ավելի մեծ թափով ծավալվեցին: Ավարտվեցին Դարենի օրով սկսված շինությունները և միևնույն ժամանակ ձեռնամուխ եղան նոր օբյեկտների կառուցման, ինչպես օրինակ՝ Դսերքսեսի պալատը, այսպես



Նկ. 5. Պերսեպոլիս: Ընդհանուր հատակագիծ (ըստ Շմիդտի):

կոչված 100 սյունանոց դահլիճը, կանանոցը և վերակառուցվեց գանձատունը²⁰: Պերսեպոլիսի հարթակից ոչ շատ հեռու Քսերքսեսը կառուցեց ապագանայի տիպի մի շենք²¹:

Քսերքսեսի անմիջական հաջորդների կառուցումների մասին քիչ բան գիտենք: Միայն Արտաքսերքսես 1-ի (465—423) մասին հայտնի է, որ նա Պերսեպոլիսում զբաղված է եղել շինարարական գործունեությամբ, որտեղ նա ավարտել է 100 սյունանոց դահլիճը²²: Շինարարական ծավալուն գործունեությամբ է զբաղված եղել Արտաքսերքսես 2-ը (404—358), որը Սուզայի

¹⁷ H. Dieulafoy. «L'Acropole de Suse» Paris 1892, IV մաս. էջ 388.

¹⁸ Persepolis I, էջ. 37.

¹⁹ Նշվ. աշխ. էջ. 26—27.

²⁰ Նույնը, էջ 41—42.

²¹ Նույնը, էջ 55, նկ. 14, 15, L. Vanden Berghe նշվ. աշխ., էջ 37.

²² Persepolis, I, էջ 43.

հրդեհված ապաղանայի տեղում կառուցեց նորը²³։ Նույնատիպ շենք, դատելով արձանագրություններից, նա կառուցել է Էկրատանայում²⁴։ Սյունադարդ դահլիճների վերջին կառուցողներից է, ըստ երևույթին, Արտաքսերքսես 3-ը (358—338), որին վերագրվում է մի պալատի կառուցումը Պերսեպոլիսում²⁵։

Աքեմենյան սյունադարդ դահլիճների այս թուղթիկ թվարկումը բոլորովին էլ սպառնիչ չէ ալնքանով, որքանով հաշվի էին առնված միայն թվագրված հուշարձանները։ Պերսեպոլիսից Առդա տանող արքայական ճանապարհի վրա Զին-ջինում կան սյունադարդ փոքր տաղավարի մնացորդներ, որոնց աքեմենյան ծագումը ամեն մի կասկածից վեր է²⁶։ Կան վերջապես գրավոր տեղեկություններ կայսրություն տարբեր վայրերում պալատական շինությունների գոյության մասին, որոնցից, սակայն, հետքեր մեզ չեն հասել²⁷։ Բացառված չէ, որ այս պալատների մի մասը իր մեջ էր ամփոփում նաև սյունադարդ դահլիճներ։ Վերը շարադրված ակնարկը ավելի ակնառու դարձրեց սյունադարդ դահլիճների ականավոր դերը աքեմենյան ճարտարապետության մեջ։ Ժամանակագրական վերլուծությունը ցույց է տալիս, որ նրանց մեծամասնությունը թվագրվում է 6-րդ դարի վերջով և 5-րդ դարի 1-ին կեսով։ Հետաքրքիր է նշել, որ կան սրահներ, որոնց սյուների քանակը և դասավորությունը համընկնում է Արին-բերդի սյունադարդ դահլիճի նույնատիպ տրվյալների հետ։ Այսպես օրինակ, Պասարգադայի Սյուրոսի պալատի կենտրոնական սրահը ուներ սյուների հինգ շարք, ամեն մի շարքում 6-ական սյուն²⁸ (նկ. 6)։ Այդպիսին է նաև Պերսեպոլիսի գանձատան նո. 62 սենյակը (5×6 սյուներ)։ Պեղումները պարզեցին, որ գանձատան արևմտյան հատվածը, որի մեջ է գտնվում այս սենյակը, ձևավորվել է երեք վերակառուցումներից հետո և 480-ական թ. մոտերքը նո. 62 սենյակը ստացավ այն վերջնական տեսքը, որը մեզ է հասել²⁹ (նկ. 5)։ Աքեմենյան ժամանակաշրջանի սյունադարդ դահլիճների այս լայնածավալ կոնստրուկտում իր տեղն է գտնում նաև Արին-բերդի շենքը, որի վերջնական ձևավորումը համընկնում է վերը նշված ժամանակաշրջանի հետ։ Նախքան վերը հիշատակված անալոգիաների լույսի տակ նրա մի քանի մանրամասերը քննության առարկա դարձնելը, հարկավոր է թուղթիկ կերպով կանգ առնել մի քանի հարցերի վրա՝ կապված սկզբնական շենքի հետ։ Այս, ուրարտական ժամանակում կառուցված շենքի հատակագիծը հիշեցնում է հին Արևելքում տարածում գտած Իիտ-հիլանիի ճարտարապետական կերպարը։ Այս տեղմինի տակ ընդունված է հասկանալ մի կառույց, որը բաղկացած է զլիւավոր, որպես կանոն երկարավուն սենյակից, սյունաշարքով մուտքի առջև. կողքերից տեղադրված են սենյակներ՝ հաճախ աշտարակաձև³⁰։ Շենքի այս տեսակին հանդիպում ենք ն. մ. թ. 2-րդ հազարամյակում, խուրի-միտանիական միջավայրում, որտեղից անցել է խեթերին և հատկապես տարածում

²³ M. Dieulafoy, նշվ. աշխ. էջ 338, նկ. 221.

²⁴ L. Vanden Berghe, նշվ. աշխ., էջ 109. M. Dieulafoy, նշվ. աշխ., էջ 342, ծանոթ. № 2.

²⁵ Persopolis, I, էջ 43.

²⁶ L. Vanden Berghe, նշվ. աշխ., էջ 80.


²⁷ Persepolis I, p. 39; A Survey of Persian Art, h. I, էջ 330—331.

²⁸ St. u. H. Frankfort, նշվ. աշխ., նկ. 109 (էջ 217).

²⁹ Persepolis I, նկ. 197, 200, նկ. 65, 66.

³⁰ Fr. Wachtsmuth. „Was ist ein Hilani, was ein bit hilani?“ Zeitschrift der Deutschen Morgenlandischen Gesellschaft. Wiesbaden, 1958. Bd. 108, Heft 1, էջ 66—73

գտել 1-ին հազարամյակում, հյուսիսային Ասորիքի խեթական փոքր պետություններում: Բիտ-հիլանին կարելի է հանդիպել նաև Ասորեստանում, ներքին բակի շուրջը դասավորվող սենյակներից բաղկացած շենքերի կողքին³¹: Այդպիսով, Արին-բերդի Բիտ-հիլանին առնչվում է հին արևելյան նմանօրինակ կառույցների հետ: Հետագայում, աքեմենյան ժամանակաշրջանում, սյունաշարը վերակառուցվում է սյուների երեք նոր շարքի ավելացման և



Նկ. 6. Պասարգադա: Լնդհանուր հատակագիծ (ըստ Ֆրանկֆորտի):

պատերի երկարացման եղանակով, և այդպիսով ստեղծվում է սյունազարդ դահլիճը³²:

Այժմ տեսնենք չեն հակասում արդյոք սյունազարդ դահլիճի, նրա շինարարական 2-րդ ժամանակաշրջանին վերաբերող մասերի մի քանի առանձնահատկությունները հետադարձական, աքեմենյան ժամանակի ճարտարապետության սկզբունքներին:

Շինարարական երկրորդ փուլին վերաբերող պատի շարվածքի բնույթը հաջող կերպով ձայնակցում է աքեմենյան ժամանակաշրջանի շինարարական տեխնիկայի տվյալների հետ: Ինչպես արդեն նշվել է, Արին-բերդում նա կազմված էր հիանալի մշակված վեմերի մի շարքից, որի վրա բարձրանում էր հում աղյուսից շարվածքը: Քարի մշակման այդպիսի բարձր մակարդակի կարելի է հանդիպել նաև աքեմենյան կառույցներում, օրինակ Պերսեպոլիսում: Քարե վեմերը այստեղ լավ տաշված են ու հաջող կերպով միացված իրար, առանց որևէ կապող նյութերի գործածության, բացի այն զեպքերից, երբ

³¹ Նույն տեղում, էջ 69.

³² Բիտ-հիլանի տիպի շենքի վերափոխումը Արին-բերդում սյունազարդ դահլիճի, անկախ ժամանակից, երբ այն տեղի ունեցավ, հերքում է ամերիկացի ուսումնասիրող Ֆրանկֆորտի թերահավատ մոտեցումը ճարտարապետական այդ կարգի վերափոխումների նկատմամբ: Տե՛ս «The Art and the Architecture of the Ancient Orient» 1954, էջ 264—265, ծանոթ. 56.

ներանք ամրացած են իրար երկաթե գամերով³³։ Այդպիսի վեմեր են գործածել Պերսեպոլիսի ընդհանուր հարթակի (տերրասայի), առանձին պլատֆորմաների երեսպատման, ինչպես նաև այդպիսի բաղմամբի շենքերի կառուցման ժամանակ։ Լավ աաշված վեմերի մի շարքից են արված պատերի ներքեի մասերը³⁴։ Նրանց վրա բարձրանում էր չթրծված աղյուսի շարվածքը։ Այս գուգորդումը լավ աաշված վեմերից կաղմված ցածր ներքնաշարի չթրծված աղյուսե պատի հետ՝ Պերսեպոլիսի շինարարական տեխնիկայի բնորոշ գծերից է։

Ինչպես արդեն նշվել է, շինարարական 2-րդ էտապին վերագրվող պատը դրսից հարդարված է կոնտրֆորսներով, որոնք մի շարք առանձնահատկություններով տարբերվում են սկզբնական շենքի կոնտրֆորսներից։ Պատի արտաքին երեսը ելուստներով ամրապնդելու և աշխուժացնելու հին Արևելյան սովորությունը լայն կիրառություն գտավ աքեմենյան ճարտարապետության մեջ։ Արին-բերդի կոնտրֆորսներն են հիշեցնում Պերսեպոլիսի զանազան արտաքին պատերի վրա եղած ելուստները, որոնք այստեղ հանդես են գալիս³⁵ խորշերի գուգակցությունը։ Հետաքրքիր է նշել, որ նրանց չափերը տեղ առ տեղ հանընկնում են Արին-բերդի կոնտրֆորսների չափերի հետ (2,90 մ.)³⁶։

Արին-բերդի սյունադարձ գահիճում գոյություն ունեցող նստարանը նույնպես չի հակասում աքեմենյան ժամանակաշրջանի շինություններում տիրող ընդհանուր դրուժյանը։ Պերսեպոլիսի կառույցներում հազվագույն երևիված չեն պատերի երկաթնքով ձգվող ցածր նստարանները, այդպիսիներին կարելի է հանդիպել, այսպես կոչված Քսերքսեսի դարբասի ներսում, Բարեհի ապադանայում, խորհրդակցությունների սրահում, զանազան 99 սյունանոց սրահում³⁷։ Նմանօրինակ նստարանների կարելի է հանդիպել նաև աքեմենյան ճարտարապետության վաղ հուշարձաններում, օրինակ Պասարգադայի Կյուրոսի պալատի արտաքին սյունաշարում (պորտիկում)³⁸։

Արին-բերդի սյունադարձ գահիճի նշանակվածությունը հստակությունը որոշելու համար քաջակալում են մի շարք լրացուցիչ կարևոր տվյալներ՝ արձանագրություններ, գրավոր տեղեկություններ։ Այդպիսի բնորոշման բարդությունը հասկանալի կդառնա, եթե հաշվի առնենք, որ մինչ այժմ ուսումնասիրողները Պերսեպոլիսի մի շարք շենքերի վերաբերյալ չեն հանգել ընդհանուր եզրակացության։ Այնինչ Պերսեպոլիսում հաճախ հանդիպում ենք կառուցող թագավորների արձանագրությունների կամ բարձրաքանդակների, որոնք քաջահայտում են իրենց հարդարած կառույցի գերը։ Օրինակների մի ամբողջ շարք ցույց է տալիս, թե որքան բաղմաղան կարող են լինել կարծիքները հանրահայտ և երբեմն կարծեցյալ հստակորեն բնորոշվող շենքերի գերի մասին։ 100 սյունանոց հանրահայտ սրահը Պերսեպոլիսի պեղումների ղեկավարի կողմից համարվում էր ընդունարան։ Հետագայում նա

³³ Persepolis, I, էջ 61, 64.

³⁴ Խորհրդակցությունների սրահում, նշվ. աշխ. էջ 116; Բարեհի պալատում, էջ 222, 227, նկ. 91, տախտ. 128 A; կանանոցում, էջ 257, տախտ. 191 A. Քսերքսեսի պալատում, տախտ. 174 A, 176 B., 179, պալատ G.-ում, նկ. 118 B.

³⁵ Նույն տեղ, նկ. 69, 74.

³⁶ Նույն տեղ, էջ 158.

³⁷ Նշվ. աշխ. նկ. 25, 26, 30, 40 D, 45 C., 51, 51, 56 D, էջ 80, 111, 178.

³⁸ Frankfurt, նշվ. աշխ. էջ 217.

փոխեց իր տեսակետը և առաջարկեց այս կառույցը դիտել որպես արքունական թանգարան, որտեղ ցուցադրվում են թագավորին ընծայված նվերները³⁹։ Մի ուրիշ ուսումնասիրողի ավելի նպատակահարմար թվաց համարել այս սրահը արքայից-արքայի զորքերի հավաքույթի վայր⁴⁰։ Երբորդ ուսումնասիրողը հակված էր կարծելու, որ սրահը իրենից ներկայացնում է կրակի պաշտամունքի տաճար⁴¹։ Մինչև այժմ վիճելի են այսպես կոչված խորհրդակցությունների սրահի և նույնիսկ 'Իարենի և Կսերքսեսի պալատների դերերը։

Ելնելով այն հանգամանքից, որ սա բերդի տերիտորիայում միակ սրահն է և այն էլ այսպիսի հսկայական չափերի, որին սյունաշարերը հանդիսավորության երանգ էին հաղորդում, մենք հակված ենք տեսնելու նրա մեջ ընդունասրահ, խորհրդակցությունների և հանդիսավոր ժողովների մի վայր։ Մնացած սենյակները, որոնք հարում էին սյունադարձ գահլիճին, կարող էին ծառայել որպես բնակելի սենյակներ։

Արին-բերդում այդպիսի շենքի առկայությունը, որը ուներ ընդունասրահի և նստավայրի բնույթ, բնականաբար հարց է առաջացնում հետաքրքիր տական ժամանակաշրջանում բերդի պերի մասին։ Ն. մ. թ. 6—4-րդ դարերի պատմական միջավայրում, ուր մեզ տանում են շենքի հատակագծի ու վերակառուցված հատվածի առանձնահատկությունները, ինչպես նաև հնագիտական այլ կարգի նյութերը, գալթակղեցուցիչ է սատրապի նստավայրերից մեկը տեսնել Արին-բերդի միջնաբերդում⁴²։ Հայկական լեռնաշխարհի և նրա հարակից շրջանների սատրապային նստավայրերի մասին կլած գրավոր տեղեկությունները բավականին աղոտ են, իսկ հնագիտական հետախուզությունները, որոնք պետք է պարզություն մտցնեն այս հարցում, նոր-նոր են ծավալվում⁴³։ Միակ հեղինակը, որը մեզ տեղեկություն է թողել այս հարցի մասին, Դսենուիոնն է։ Նրա թողած հունական զորքի նահանջի նկարագրությունից իմանում ենք, որ Արմենիա սատրապության հարավային սահմանը՝ Կենտրիտես գետը անցնելուց հետո, հունական զորքը հասնում է մի մեծ գյուղի, որտեղ կար պալատ սատրապի համար («βασιλειον του στρατηγῆ») «Անարագիս» IV, 4; 2)։ Շարունակելով իրենց ճանապարհը, հույները մտնում են Արևմտյան Արմենիայի տերիտորիան ու հասնում մի երկրորդ պալատի, նույնպես «βασιλειαν», որը շրջապատված էր գյուղերով («Անարագիս» IV, 4; 7)։ Այսպիսով, մենք տեսնում ենք, որ Դսենուիոնը թողել է տեղեկություններ Հայկական լեռնաշխարհում երկու պալատների գոյության մասին, որոնք նախատեսված էին, ըստ երևույթին, որպես սատրապի նստավայրեր⁴⁴։ Այս տեղեկությունների ճիշտ մեկնաբանման համար պետք է հաշվի առնել Ն. մ. թ. 5-րդ

³⁹ Persepolis I, էջ 42, 129.

⁴⁰ A. Godard. «Les travaux de Persepolis». Archaeologica Orientalia. In memoriam Ernst Herzfeld. New York, 1952, էջ 126: R. Ghirshman «Notes Iranienne». VII. A propos de Persepolis, Artibus Asiae, XX, 4, 1957, էջ 205.

⁴¹ R. de Mecquenem, L. Breton et M. Rutten, նշվ. աշխ. էջ 41.

⁴² Գ. Ա. Տիրացյան, «Երվանդունիները Հայաստանում», ՀՍՍՌ ԳԱ Տեղեկագիր (Հասարակական գիտություններ) 1958, № 6 էջ 60:

⁴³ Ժամանակակից Ղաղախ քաղաքի մոտակայքում, Սարը-թեփե կոչված բլուրում տարվող հնագիտական աշխատանքները (ղեկ. Ի. Նարեմանով), ինչպես մեզ թվում է, նույնպես սատրապային նստավայրի հետքեր են ի հայտ բերում:

⁴⁴ Քսենոփոնի մի անորոշ վկայությունը (IV, 5: 10) զուցե որևէ առնչություն ունի այդ կարգի կենտրոնների հետ:

դարի վերջի վարչական բաժանումը Հայաստանում: Դսենուփոնը մեզ հաղորդում է երկու Արմենիաների գոյություն մասին, մեկը՝ «ընդարձակ և բարեկեցիկ», որն անվանում է պարզապես «Արմենիա» և որի կառավարիչն է Օրոնտեսը, և մյուսը՝ «Արեմտյան Արմենիա», որի կառավարիչն էր Տիրիբազը: Ինչպես արդեն տեսանք, Օրոնտեսի Արմենիայում սատրապի աթոռանիստը հանդիսանում էր պալատով գյուղը: Այնքանով, որքանով բոլոր հիմքերը կան պնդելու, որ Արմենիա սատրապությունը իր մեջ էր ընդգրկում Հայկական լեռնաշխարհի բազմաթիվ շրջանները (իզուր չէ, որ Դսենուփոնը այն անվանում է ընդարձակ), ապա դժվար է հաշտվել այն մտքի հետ, որ սա սատրապի միակ աթոռանիստն է: Ինչ ավելին, նրա տեղադրումը սատրապության ամենահարավում, ոչ հեռու սահմանից, Կենտրիտեսից արևմտյան Տիգրիսի ակունքները տանող ճանապարհի վրա, էլ ավելի հավանական է դարձնում ենթադրությունը, գոնե ևս մեկ գլխավոր աթոռանիստի գոյության մասին, որը կհանդիսանար սատրապության վարչական կենտրոնը: Որպես այդպիսիք Աքեմենյանները ընտրում էին անցյալում առաջնակարգ դեր խաղացած կենտրոնները, քաղաքները: Շատ հնարավոր է, որ նրանց ընտրությունը կանգ առած լինի նախկին ուրարտական պետության հին մայրաքաղաք Վանի և նրա միջնաբերդի վրա: Այսպիսի ենթադրության օգտին խոսում է Վանս ժայռի վրա դրոշմված Դսերքսես 1-ի (485—465) եռալեզու արձանագրությունը: Այդ արձանագրության մեջ թագավորը հաղորդում է այն մասին, որ իր հայրը՝ և նախորդը՝ Դարեհը հրամայեց տեղ պատրաստել արձանագրության համար, և որ ինքը՝ Դսերքսեսը դրոշմեց այն մեծարևույթ հոր և իր սեփական կառույցները: Բնական է, որ այդպիսի արձանագրության տեղադրման հարմարավետ վայր կարող էր լինել սատրապության կենտրոնը, որպիսին հանդիսանում էր Վանը:

Ինչ վերաբերում է երկրորդ պալատին, որին հույները հանդիպեցին, քայց արդեն «Արեմտյան Արմենիայի» տերիտորիայում, ապա անկախ երկրի կառավարիչ Տիրիբազի իրական գրությունից (Դսենուփոնը նրան անվանում է ոչ թե սատրապ այլ հյուպարքոս), ինչպես նաև անկախ այս՝ «Արեմտյան Արմենիայի» և «Արմենիա» սատրապության փոխհարաբերություններից, նա պետք է հաշվի առնվի ն. մ. թ. 5—4-րդ դարերի շեմին Հայկական լեռնաշխարհի սատրապային կենտրոնները քննության առարկա դարձնելիս: Այն պատկերը, որը մեզ ներկայացնում է Դսենուփոնը, շատ ընդհանուր ձևով է ժանդակում մեզ Հայաստանի վարչական բաժանման հետ: Ինչպես հայտնի է, գոյություն ունի նաև այլ ավելի վաղ բաժնում, որը ինչպես մեզ թվում է, կարող է օժանդակել այլ կենտրոնների բացահայտման և իմաստավորման գործին: Հայտնի է, որ մինչև Աքեմենյան իշխանության հաստատումը, Հայկական լեռնաշխարհում գոյություն ունեւ Հայկական թագավորություն՝ մի միասնական տերիտորիայով, որը մի կողմից սահմանակից էր Մարասսանի հետ, մյուս կողմից Սալդայական ցեղերի հետ: Այս տեղեկությունները, որոնք վերցված են Դսենուփոնի «Կյուրոպակիայից», մատնանշում են, որ լեռնաշ-

⁴⁵ F. H. Weissbach, Die Keilinschriften der Achämeniden, „Leipzig, 1911, էջ 116—119.

⁴⁶ И. М. Дьяконов, История Мидии, 1956 М. Л., էջ 355 և Գ. Տիրացյան, նշվ. աշխ. էջ 80:

խարհի կենտրոնական շրջանները մտնում էին այս թագավորության սահմանների մեջ այնքանով, որքանով մի սահմանը Մարաստանի հետ անցնում էր Վանա և Ուրմիո լճերի միջև ընկած տերիտորիայով, իսկ մյուսը՝ Խալդայների հետ, տեղադրվում է Փոքր և Բարձր Հալքի լեռներում¹⁸։ Այն բանի մասին, որ ն. մ. թ. 5-րդ դարի հայկական թագավորությունը հիմնականում զբաղեցնում էր նախկին ուրարտական պետության տերիտորիան, խոսում են աֆամենյան արձանագրությունները, որոնց մեջ միշտ հավասարության նշան է անցկացվում Հայաստանի և Ուրարտաի միջև։ Աֆամենյան իշխանության հաստատումը Հայկական լեռնաշխարհում, սկզբում համարաբար փոփոխություններ չմտցրեց երկրի վարչական բաժանման մեջ։ Կյուրոսի ժամանակ Հայաստանը, Մարաստանը և Կադուսիացիների երկիրը գտնվում էին մի սատրապի՝ Թանուքսարեսի իշխանության տակ (Վյուրոպեդիա, VIII, 7; 11)։ Դարեհի օրոք, ապստամբության ճնշումից հետո, Հայաստանը նորից դարձավ առանձին մի միավոր, ինչպես այդ մասին վկայում են սեպագիր արձանագրությունները (Բեհիստունի, Պերսեպոլիսի, Նաքշի Ռուստեմի)։ Հերոդոտի տեղեկությունները Հայկական լեռնաշխարհում և հարակից շրջաններում սատրապային բաժանման մասին նոր հետաքրքիր հարցեր են դնում։ Ըստ Հերոդոտի հանրահայտ տեղեկության, Դարեհի օրոք հաստատվեց կայսրության նոր բաժանում, որի հետևանքով Հայկական լեռնաշխարհում հանդես եկան երկու սատրապություններ՝ 13-րդը, որը ընդգրկում էր Վասպուրական, Արմենիան և նրա հարևանները՝ մինչև Ժով և 18-րդը, որի մեջ մտնում էին Վալադիները, սասպեյրները և մատինները» (III, 94)։ Դարեհի ռեֆորմի թըվագրման հարցը, ինչպես նաև այն հարցը՝ արտացոլում են արդյոք Հերոդոտի տվյալները այս ռեֆորմի էությունը, թե նրան՝ Հերոդոտին ժամանակակից դրությունը, չի կարելի վերջնականապես լուծված համարել։ Համաձայն Լեման-Հաուպտի և ուրիշ ուսումնասիրողների, Հերոդոտի մոտ բերված Դարեհի սատրապությունների ցուցակը Հեկատեոսից է վերցված և հետևաբար վերագրվում է նախքան մեր թվականության 500-ական թվերին¹⁹։ Այս տեսակետին հակադրվեց Օ. Լույցեն։ Նա փորձում է ապացուցել, որ նախ Հեկատեոսը չէր կարող որպես աղբյուր ծառայած լինել սատրապությունների ցուցակի հարցում²⁰, և ապա նա հնարավոր է համարում, որ ցուցակը կազմված է անմիջականորեն Հերոդոտի կողմից, որին մատչելի էին սատրապությունների արևելյանին նյութերը. դրա հետևանքով էլ ցուցակը կարող է արտացոլած լինել նրա ապրած ժամանակի սատրապությունների դրությունը (մոտավորապես ն. մ. թ. 450 թ.)²¹։ Եթե 13-րդ սատրապությունը ընդգրկում էր նախկին Հայկական թագավորության հողերը, ապա 18-րդ սատրապությունը ընդունված է տեղադրել Հայկական լեռնաշխարհի արևելյան շրջաններում։ Այդ մասին են ակնարկում Հերոդոտի տեղեկությունները այս սատրապության կազմի մեջ մտնող առանձին ցեղերի տեղադրման մասին։ Ասսպեյրները, համարաբար, ապրում էին Քուռի և Արաքսի հովիտների շրջանում։ Նրանք

¹⁷ C. F. Lehmann-Haupt, „Satrap“, Paulys Realencyclopädie der klassischen Altertumswissenschaft. Zweite Reihe Bd. II, էջ 106; II. М. Дьяконов *նշվ. աշխ.* էջ 340, 343.

¹⁸ O. Leuze. Die Satrapieneinteilung in Syrien und im Zweistromlande. Halle 1935 էջ 81—82.

¹⁹ *նշվ. աշխ.* էջ 81.

մի կողմից սահմանակից էին Կոլխերի հետ, իսկ մյուս կողմից՝ մարերի (I, 103—106, IV, 37): Ալաոդները՝ ուրարտական նախկին ցեղերը, մղվել էին դեպի Վանա լճի հյուսիս-արևելյան շրջանները: Կսերքսեսի հունական արշավի կապակցությամբ նրանք հիշվում են սասպկյուների հետ մեկտեղ (VII, 62): Երկու շատ հստակ տեղեկությունների հիման վրա մատենները տեղագրվում են Հայկական լեռնաշխարհի հարավ-արևելյան շրջանում, Ուրմիո լճից դեպի արևմուտք (V, 49, V, 52): Պետք է հավանական համարել այն կարծիքը, որ 18-րդ սատրապությունը կազմվել է Դարեհի օրոք: Առանձնացվել է նա արդյոք ուրիշ սատրապությունների տերիտորիայից՝ օրինակ 13-րդից, թե ստեղծվել է նոր նվաճված տերիտորիայի վրա, դժվար է ասել: Ընդհանրապես դժվար է որոշակի բան ասել աքեմենյան ժամանակաշրջանում Հայկական լեռնաշխարհի արևելքից հարող տերիտորիաների ճակատագրի մասին: Մարաստանի պատմության մասին ունեցած տվյալները, ինչպես նաև Հերոդոտի տեղեկությունները, ակնարկում են այն մասին, որ Արևելյան Անդրկովկասի մի մասը մտնում էր մարական պետության և ապա սատրապության կազմի մեջ⁵⁰: Ամենաարևելյան շրջանները, Կասպիականի ափը, ըստ երևույթին, մտնում էին 11-րդ սատրապության կազմի մեջ⁵¹: Երբ ստեղծվեց 18-րդ սատրապությունը, ապա նրան անցած պետք է լինեն Մարական սատրապության հատվածները, որոնք գտնվում էին Մատենների երկրում, հետո Հայկական սատրապության մասերը, ապա նոր նվաճված տերիտորիաները (եթե այդպիսիք գոյություն են ունեցել): Վարչական նոր միավորի ստեղծելու կապակցությամբ անհրաժեշտ եղավ որոշել նաև նրա կենտրոնները: Նրանցից մեկը, ըստ երևույթին, դարձավ նախկին ուրարտական քաղաք Էրեբունիի միջնաբերդը: Պատահական չէ, որ ընտրությունը կանգ առավ այս վայրի վրա: Ուրարտական ժամանակաշրջանում Էրեբունին կարևոր դեր էր խաղում պետության արևելյան շրջաններում: Սա առաջին ուրարտական վարչական կենտրոնն էր Արարատյան դաշտում, որովհետև նա հիմնադրված էր Արգիշտիխիլիից առաջ⁵²: Դրան պետք է ավելացնել նաև այն հանգամանքը, որ սա գերազանցապես ռազմա-ստրատեգիական կենտրոն էր, ի տարբերություն Արգիշտիխիլիի, որի կյանքում գերակշռում էր տնտեսական կողմը⁵³: Բնական է, որ աքեմենյան ժամանակաշրջանում միջնաբերդը վերականգնեց իր կյանքը: Նա գտնվում էր Արարատյան դաշտի կենտրոնում, որը, ըստ երևույթին, 18-րդ սատրապության տնտեսական գլխավոր շրջանն էր և վաղուց իվեր հուշակավոր էր իր բարձր զարգացած գյուղատնտեսությամբ: Ամրոցի մոտակայքից սկիզբ էր առնում այն ճանապարհը, որը Արաքսի հովտից տանում էր Անանա լճի

⁵⁰ И. М. Дьяконов, *уշվ. աշխ.* էջ 339—340.

⁵¹ К. В. Тревер, *Очерки по истории и культуре Кавказской Албании*, М—Л, 1959, էջ 50 և հաջորդ:

⁵² Г. А. Меликишвили. Рецензия на: Б. Б. Пиотровский. «Кармир-Блур», В. Д. И., 1953, № 3, 112; И. М. Лосева, «Раскопки урартской крепости города Ирпуни (Ерепуни) на холме Арин-берд. Советское Востоковедение, 1955, № 3, էջ 145-147. Իսրայելյան, *уշվ. աշխ.* էջ 100, ծանոթ. 2: Ն. Վ. Հարությունյան *Երևանի հիմնադրման, ժամանակի հարցի շուրջը*, Պատմա-բանասիրական հանդես 1959 թ. 2—3, էջ, 91—92 ժանրություն 6:

⁵³ Նույն աշխատություններ:

վազանը և ավելի հեռու՝ Քուռ գետի հովիտը⁵⁴։ Նորաստեղծ կենտրոնը ուրարտացիներից ժառանգել էր ամրոցային մի ամբողջական շինություն, պարզապատերով, զանազան շենքերով և այլն։

Արին-բերդում սատրապային կենտրոնի հիմնադրման ժամանակը որոշելու համար մեծ նշանակություն ունի 18-րդ սատրապության ստեղծման ժամանակի հարցը։ Ինչպես մենք արդեն տեսանք, այս սատրապությունը կարող էր ստեղծված լինել Ն. մ. թ. 450 թ.-ից շուտ։ Շատ հավանական է հետևաբար, որ արդեն 5-րդ դարի առաջին կեսին Արին-բերդը դարձել էր 18-րդ սատրապության վարչական կենտրոններից մեկը։ Այն գործունեությունը, որը Քսերքսեսը ծավալել էր Վանի միջնաբերդում, ապա Արին-բերդում կատարված մի քանի գյուտերը (479 թ. հետո կտրված միլետյան զրաֆները), թույլ են տալիս ենթադրելու, որ նախկին ուրարտական կենտրոնի յուրացումը և 30 սյունանոց սրահի վերջնական ձևավորումը կարելի կլինի վերագրել Քսերքսեսի թագավորության տարիներին (485—465)⁵⁵։ Ն. մ. թ. 5-րդ դարի 2-րդ կեսում Հայկական լեռնաշխարհի վարչական բաժանման մեջ մտցվեցին փոփոխություններ, որոնք, ինչպես արդեն տեսանք, ֆիքսացիայի են ենթարկվել 5-րդ դարի վերջին՝ Քսենոփոնի կողմից։ Հստ երևույթին 18-րդ սատրապությունը վերացվեց, նրա մի մասը մտավ Արմենիայի ընդհանուր սատրապության մեջ, մի ուրիշ մաս անցավ մարական սատրապությանը (հավանական է մատիենական հողերը Ուրմիայի շրջանում), իսկ Անդրկովկասում գրեթե ողորդ մի քանի մասեր ընկան Նույն Մարաստանի ազդեցության ոլորտի մեջ։ Նախքան մ. թ. 5-րդ դարի վերջը Արմենիա սատրապության կենտրոնը, ըստ երևույթին, շարունակում էր մնալ Վանը։ Մնացած կենտրոնները Նույնպես պահպանեցին իրենց գոյությունը։ Ինչպես տեսանք, Քսենոփոնը հիշատակում է դրանցից երկուսի մասին։ Պետք է կարծել, որ նաև Արին-բերդը շարունակում էր գոյություն ունենալ նրանց հետ։

Г. А. Тирациян

Колонный зал на Арин-берде и вопрос о сатрапских центрах на Армянском нагорье

(Резюме)

Холм Арин-берд находится на юго—восточной окраине столицы Советской Армении Еревана, и представляет собой цитадель основанного в первой половине VIII в. до н. э. урартского города Еребуни. Наряду с обильными археологическими материалами урартского вре-

⁵⁴ Այս ճանապարհի վրա, ժամանակակից Ղաղախ բազաբի մոտակայքում, գտնվում էր սատրապի աթոռանիստ մի այլ կենտրոն։

⁵⁵ Սյունադարձ դահլիճի ճարտարապետական կերպարի հետ մուտք գործեց նաև apadāna ~ապարանք տերմինը (Տես Հ. Աճառյան, Արմատական բառարան, հ. 1)։ Զուգահեռաբար մուտք գործեց պալատ նշանակություն ունեցող մի այլ տերմին—tacara—տաճար, որը, ինչպես մատնանշում է ակադ. Հ. Ա. Օրբելին, իր պաշտամունքային իմաստի կողքին զրաբարում պահպանել է նաև սկզբնական, բազաբացիական, թագավորական պալատի իմաստը (Տես Խոփմա Արծրունի, Պատմություն տանն Արծրունեաց, Կ. Պոլիս, 1852, էջ 331—333)։

8 Տեղեկագիր 7—8

мени были выявлены данные, относящиеся к послеурартскому периоду (VI—IV вв.). Среди последних особое место занимает раскрытый на территории крепости колонный зал. Археологические наблюдения позволяют утверждать, что названное сооружение было построено в два приема: первоначальное здание типа бит-хилани возникло в урартский период; оформление тридцатиколонного зала относится к ахеменидскому времени. Это сооружение имеет определенное сходство с колонными залами многих центров ахеменидской империи. Особенно близкие аналогии (число колон—30 и их расстановка—5×6) представляют центральный зал дворца Р в Пасаргадах и помещение № 62 сокровищницы на персепольской террасе.

Рассматриваемое сооружение было, возможно, залом приемов сатрапа, а крепость Арин-берд—одним из центров XVIII сатрапии, возникшей до 450 г. до н. э.

G. A. Tiratzian

The Hall of Columns at Arin-Berd and the problem of the Satrap centres in the Armenian Highland

S u m m a r y

The hill of Arin-Berd is on the southeastern outskirts of Yerevan, the capital of Soviet Armenia and was the citadel of the Urartian city of Erebuny, founded in the first part of VIII c. B. C. Data have been exposed concerning the posturartian period (VI—IV cc. B. C.) together with an abundant archaeological material of Urartian time. Among this data the hall of columns disclosed on the fortress territory occupies a special place. Archaeological observations allow us to state that the above-mentioned structure has been built up in two stages—the primary bit-hilani type building came into being during the Urartian period and was built up into a thirty columns hall in the Achaemenid time. This structure has a definite likeness to the halls of columns at many centres of the Achaemenid empire. The central hall of the palace P at Pasargadae and room No 62 of the treasury on the Persepolis terrace manifest especially close analogy (the number of the columns—30 and their arrangement—5×6). It may be that the structure under consideration was the reception hall of the satrap and the fortress Arin-Berd was one of the centres of the XVIII satrapy which came into being before 450 B. C.